

MONUMENTVM  
IN SIGNI MUNIFICENTIAE ATQVE IMMORTALI GLORIAE  
VIRI ILLVSTRIS  
DOMINI  
CHRISTOPHORI IACOBI  
TREWII  
MEDICINAE DOCTORIS  
S.R.I.NOBILIS AC COMITIS PALATINI S.CAES.  
MAIESTATIS CONSILIARII ET ARCHIATRI ITEMQVE  
SERENISSIMI MARGGRAVII BRANDENBURGICI ONOLDINI  
CVLMBACENSIS A CONSILIIS SANCTIORIBVS ET  
ARCHIATRI PRIMARII PHYSICI ORDINARII NORIM-  
BERGENSIS SENIORIS ET COLLEGII MEDICI SENIORIS  
PRIMARII ACADEMIAE IMPERIALIS NATVRAE CVRIO-  
SORVM DIRECTORIS AC SOCIETATVM REGIARVM  
LONDINENSIS ET BEROLINENSIS ITEMQVE  
SOCIETATIS BOTANICAЕ FLORENTINAE  
COLLEGAE LONGE CELEBERRIMI

GRATI MEMORISQVE ANIMI ET PERPETVI CVLTVS SVI  
TESTANDI CAVSSA

FACTVM

AB

ACADEMIA ALTORFINA.

(Scriptore Jo. Andr. Michael. Nagelio. Prof. Altorf.)

ALTORFII

TYPIS IOHANNIS ADAMI HESSELII ACAD. TYPOGR.

Biogr. erud.  
D. 230, 34.

MONUMENTA  
INGENII IMMORTALIS GLORIAE  
AVT. ILLUSTRI  
DOMINI  
CHRISTOPHERI AGORI  
TRÆVI  
MEDICÆ DOCTORIS  
SALVATORIS AG. GOMATIS PALATINI S. GÆSS  
HABITAT CONSILII ET ARCHITETI TEMPORE  
SERVILLI MAGISTRIVS MEDICARICI QVOD DNI  
CHARLES VZ A CONSILIIS AQUITANIAE ET  
ARMENIAE FRANCIE TURCICAE ORDINARI NORM  
MAGISTER HOSPITALIS BORDEAUXENSIS HIBERNICÆ SENIORIS  
EGMUNDIUS ET FRANCISCUS ILLIUS  
SOCRATICÆ BOTANICÆ PRACTICÆ INGENII  
COLLEGÆ LOGÆ CLEPESSEMI

CATHARINA MONSERRAT PROFESSA CATHYSA  
TESTAMENTO CATHYSA

IMAGINAM  
LA  
ACADEMIA ALTORENSIA  
TUTIS IOHANNIS ADAMI MECHELI VGD. TYPOCR



ies xxv mensis Iunii, anni a restaurata salute  
MDCCLXVIII, huic studiorum Vniuersitati  
iure optimo semper laetus, sanctus, et festus  
habebitur. Immortalem cum huic Aca-  
demiae reddidit mira et inusitata benignitas  
cum eximia pietate coniuncta Viri Illustris,  
qui dudum ingentibus meritis suis in doctri-  
nam, certaque ope aegris reperienda, nominis aeternitatem ubique  
consequutus est, Domini CHRISTOPHORI IACOBI TREVVII,  
S. Caes. Maiestatis Consiliarii et Archiatri, ac Serenissimi Marg-  
grauii Brandenburgici Onoldini Culmbacensis Consiliarii Sanctio-  
ris, ac Collegii Medici Norimbergensis Senioris Primarii Grauissi-  
mi. Collegit hic Vir longe celeberrimus apparatus magnifi-  
cum cum copia et elegantia, qui ad doctrinam, atque sigillatim  
ad scientiam medicam pertinet; cuius possessionem propriam,  
cum usu atque fructu inde proficiente, dicto die, eoque nobis  
et successoribus nostris, ac toti Academiae Altorfinae, quae nunc  
est, et quae posthaec erit, commemorabili, soli huic studiorum  
Vniuersitati solenniter legavit donavitque; Viris autem Doctis,  
atque Artificibus, iisque duntaxat Norimbergae uiuentibus, etiam  
usuram eius sub certa conditione et modo benigne dedit. Ade-  
rant huic magnanima donationi, eamque splendidiorem et cer-  
tiorem reddebat Perillustris ac Generosissimus Dominus PAVLLVS  
CAROLVS WELSERVS de Neunhof in Roetenbach, Senator Consularis,  
atque huius Academiae Curator Splendidissimus, ac Grauissi-  
mus Arbitr et Interpres non solum suac, sed etiam Perillustris  
Collegii sui, indulgentiae et prouidentiae in hanc Studiorum Vni-  
uersitatem; itemque Perillustris ac Generosissimus Dominus BAL-  
TASAR CHRISTOPHORVS KRESS de Kressenstein, Senator Consularis,  
atque in id tempus opidi agrique Altorfini Praefectus meritissi-  
mus; tanquam testes ad hunc actum decenter exorati; qui in aedi-  
bus illo tempore Rectoris Magnifici Domini Professoris WILLII,  
huius rei caussa conuenerant. Aderat ipse munificentia sua Illustris  
Donator, Dominus Consiliarius Caesareus TREVVIVS, cum co-  
mite itineris, Dom. IOHANNE CONRADO FEVERLINO, mercatore No-  
rimbergensi Conspicuo Florentissimoque, eoque insigni huius  
Academiae atque eruditorum, eruditionis haud experte Fautore.  
Tandem eo conuenerant, tanquam arctior Senatus Academicus,  
Spectatissimi omnium Ordinum Decani, b. d. BERNHOLDVS, d. SPI-  
SIVS, d. WEISSIVS, et Prof. NAGELIVS. Etsi uero donum hoc per se  
amplum gratumque Academiae huic accidit, amplius tamen  
pulchriusque fiebat singulari humanitate munifici Donatoris, qua  
prolixum et libenter animum declarabat; et praeterea honestissimum  
factum incitamento adeo nobilitatur, ut id nullum fatum,  
nullumque tempus obscurare queat. Tu pietas, excellens et sum-  
ma uirtus; tu pietas Magnum TREVVIVM maxime ad factum

A 2

per-

perenni laude dignum permouisti! Tu caelestis uirtus TREVVIO  
Tuo dignam gratiam Academiae Altorfinae nomine, quae tua  
ope felix est, persolute, eiusque merita de ea diuino ore tuo aeter-  
num praedica! Si beatis animis res humanae curae essent, Tua no-  
straque caufsa clarius splenderes, et huic Musarum sedi, quam olim  
ornabas, ex stellis renideres, beate ABDIA TREWI, Nepotem nacte,  
qui non solum eximia merita Tua in doctrinam, atque Academiam  
hanc, superare; sed et fortunam suam diu post supra fata Tua  
Tecum communicare sciuit. Immortalis Nepos Tuus gloriam.  
Tuam bonitate sua in omne tempus innouauit, quum aperte pro-  
fessus est, se thesaurum eruditae iupellectilis suae huic studiorum  
Uniuersitati donare quod ea Te olim temporibus Tibi calamito-  
sos et bellicis benigne complexa sit, et honori ac fortunae Tuae fa-  
uerit. Ibit in saecula nobilissimum hoc factum, quae Auum Ne-  
potemque iuxta celerabunt; illum, quod exemplo et gloria Ne-  
potem ad doctrinam colendam ornandamque incitarit; hunc,  
quod sibi tantam eruditionem compararit, cuius fructibus pietati  
in Auum, eiusque fata, tam splendide satisfacere potuerit. Ma-  
gnificum esse hoc munus, non solum fama apparatus TREVVII,  
sed etiam adspctus euincunt. Videre multi et exteri et indige-  
genae, quae Vir illuistris per quinquaginta annos cum cura et ma-  
gnis impensis, quibus parsimonia et frugalitate suffecit, collegit,  
et fassi sunt, esse huic apparatum magna doctrina TREVVII di-  
gnum, quod et nos scire oportuit. Sed distributius clariusque  
patuere thesauri Trewiani, quum mirabundi audiremus, a mu-  
nifico pioque Datore Academiae Altorfinae legari *ultra xxxiii m*  
*librorum*, cum indice eorundem ex vii voluminibus in folio constante;  
*supra xv m* epistolarum ab Italib, Gallis, Anglis, Belgis, Danis, Ru-  
thenis et Germanis saeculo XVI, XVII, et XVIII, scriptarum, et *xxxviii*  
cistis ligneis in folio, et totidem ordinis quarti inclusarum; disserta-  
tionum medicarum *ultra XII m*, quae *CCLVIII* voluminibus continen-  
tur, cum indicibus duorum voluminum in folio; disputationum phy-  
sicarum, mathematicarum, historicarum, philologicarum, theologi-  
carum et iuridicarum *supra IIII m*, quae *LXXXVIII* volumina efficiunt,  
cum indice trium voluminum in folio; herbaria uiua, quorum plan-  
tae externae fere ex horto regio Parisiis collectae sunt, et quae *XXIII*  
crassa volumina in folio conficiunt; ad quae etiam *ultra II m* semina  
pertinent; *XXXIII* mediocria volumina plantarum, et in his speciatim  
*Heluetiarum*; magnam copiam aliarum arefactarum herbarum;  
semina et fructus cum duobus indicibus in folio; uarii generis aues  
duratas, et pulchre in peculiari arca seruatas; multa animalia et pa-  
rata anatomica, quae in uiris spiritu repletis adseruantur; plurima  
conchylia, mineralia, saxe facta, aliaque naturae opera; multas  
species plantarum, florarum et aliarum rerum mirabilium, quae omnes  
secundum uitam et naturam pictae sunt, et ex aliquot voluminibus  
constant; collectionem amplam imaginum aeri incisarum, quae nu-  
merum

merum XIII M superat, uirorum doctorum, et aliarum singularium representationum, in thecis ligneis, ordinarii et magni folii; ac uaria instrumenta, ad experimenta et obseruationes physicas facientia. Libros, quos Vir Illustris bis aut ter possedit, partim Erfurtum, partim Erlangam, dono misit; reliquam autem eruditam supellectilem suam omnis generis usque ad beatum obitum suum curate et copiose auxit. Visitur in his thesauris naturae atque eruditionis, quidquid rarum et pretiosum est, et quo Numen diuinum in dissitis terris potentiam et sapientiam suam declarauit. Hic uides exercitum uersicolorum peregrinarumque avium; ibi pisces natare uidentur, super quos serpentes immani specie tortuque horribiles conspiciuntur, quos Europa haud alit. Alibi uides flores, semina, et fructus exterios; in alia parte sceletos et laruas, atque molles adhuc homulos in uitris, et alia multa miranda. Adsunt hic praestantissima doctrinae monumenta, ita locata et compacta, ut et oculos pascant. Adsunt ueteres medici Graeci, Latini et Arabes; aliique libri Arabici et Turcici. Inuenitur hic exemplum Sinicum historiae naturalis, multis figuris adornatum, et VI crassa uolumina ordinis quarti complens. Adsunt etiam recentissimi libri uarii generis. Adsunt magna raraque opera; opera praestantia, quae incendii casu ter tantummodo in toto terrarum orbe extare dicuntur. Deprehenduntur hic ephemerides, acta, et diaria eruditorum, ab Anglis, Gallis, Italib, Belgis, Russis, Suecis et Germanis edita. Adsunt literarum ad IOACHIMVM CAMERARIVM, filium datarum IIII DCCXXXVII; ad LVDOVICVM IVNGERMANNVM CCCCLXXXIII; ad IOANNEM GEORGIVM VOLCKAMERVVM, patrem, MLVIII, in quibus memoratu dignae CATHARINAE, et GABRIELAE, PATINAE; adsunt in iis literae ab ALDROVANDO, ARETIO, BVRMANNIS, CAROLO CLVSIO, COMMELINIS, CORNARIO, DALECHAMPIO, OCTAVIO FERRARIO, CONRADO GESNERO, ALBERTO de HALLER, ANTONIO et BERNHARDO de IVSSIEV, IVNGERMANNIS, HADRIANO IVNIO, IOBO LVDOLPHO, ANT. MAGLIA BECHI, PHIL. MELANCHTHONE, aliisque uiris doctis, de grauibus argumentis exaratae; adsunt RAYMVNDI LULLII X tractatus, in membrana formae octauae eleganter scripti, quorum literae initiales magnae, et aut aureae, aut caeruleae, aut rubrae sunt; opera uenerabilis et magni Philosophi GEORG. RIPLAEI, Angli, in folio; GVIDONIS de CAVLICO Chirurgia; Schola Salernitana, aliaque, partim in membrana, partim in charta scripta. Adsunt praeterea - - Sed quis omnia edisserat? His multis et pretiosis rebus liberalissime addita sunt, plutei, mensae, et arcae, quae his thesauris custodiendis et utendis aptata sunt; itemque eae peregrinae plantae et arbores horti Generosissimi Datoris, quibus hortus medicus Altorfinus aut plane caret, aut quas minus praestantes habet, quam eae in horto Trevviano reperiuntur. Ne uero huic consito laetorque horto munificentiae Trevvianae fugax et mutabile tempus sterilitatem aliquam induceret: prouidus et liberalissimus Donator

B

tor

tor singulari fauoris genere in hanc Academiam, sortem vi m  
florenorum, ei addere decreuerat, quam nunc benefica Vidua,  
fidelis custos destinatorum b. Mariti, Academiae Altorfinae in  
sempiternum documentum gloriae suae legauit; cuius fructibus  
non solum libri, et cetera dona Illustris TREVVII quotannis  
continuabuntur et augebuntur, sed et omnes remunerabuntur,  
qui custodia ac cura pro dignitate et recto usu insignis huius ap-  
paratus, atque annua commemoratione piae huius donationis  
ex uoluntate et praescripto Illustris Donatoris occupabuntur. Sic  
optime Vir unus, sed Vir magnus, de Academia Altorfina meritus  
est; quae quidem plures numerat et colit, qui sibi benefecerunt,  
quos uero cunctos longo interuallo post se reliquit Illustris gloria  
TREVVII. Sic auti cineres eius gaudebunt, quum nomen  
Trevvianum anniuersario documento in perpetuum condecora-  
bitur. Sic cuncti, qui hic Musis unquam operantes sunt, merita  
benefici TREVVII in se praedicabunt, quum bibliothecam Trewi-  
anam, tanquam templum honoris nominis Trewiani, ingres-  
suri sunt, res uisuri, et apparatu doctrinae fruituri, quem non  
omnis habet tellus. Quid uero aequius, magisque cum officio  
conueniens erat, quam ut tu, Palaeocome, illustre hoc munus,  
et immortale beneficium, quo munificentissime augeris, quam  
gratissimo animo agnosceres, coleresque, et pietatem Genero-  
sissimi TREVVII, quantum fieri poterat, aemulareris, ac reli-  
giose precareris, ut, quum res humanae haud ferant, quo Senex  
Benignus et Venerandus, TREVVIVS, denuo iuuenesceret, certe  
gloriae suae, quae Germaniae terminos iam olim supergressa est,  
quam diutissime felix et fortunatus superuiueret, et ex uberrimis  
fructibus piae et amplae donationis suae nunquam non intellige-  
ret, se cauñas apud hoc consilium illustris benignitatis suae in hanc  
Academiam ex uirtute, ueritate, et prudentia pependisse? Crebro  
quidem Academia Altorfina pia haec uota fecit, sed interpellauit  
ea mors, quae munificum Donatorem hunc terris opinione citius  
eripuit. In lucem editus est hic Illustris, et memoria omnium sae-  
culorum dignissimus, Vir Lauffae in oppido ditioni Norimbergensi  
adscripto, die xxvi Aprilis, an. LXXXV elapsi saeculi. Pater ei con-  
tigit CHRISTOPHORVS TREVVIVS, pharmacopola Lauffensis, homo  
cognoscendae naturae, et rationibus stirpium mirifice deditus, at-  
que in hoc studio a Iuniore D. HOFMANNO, et D. VOLCKAMERO egre-  
gie sustentatus. Matrem uero nactus est SIBYLLAM REGINAM, na-  
tam PRVNSTERERIAM. Pater, quod filius iam in puerili aetate co-  
gnitione herbarum delectabatur, eum mature cum ad hanc, tum  
ad pharmaceuticen instituit; ac deinde praestantia ingenii filii ad-  
ductus eum doctrinae studiis dicauit, et an. xi huius saeculi Altor-  
fium misit. Vbi auspicia studiorum suorum apud SCHWARZIVM,  
KOEHLERV M, et MVLLERVM, a cultura artium liberalium, philoso-  
phiac, et matheseos fecit, ac deinde artem salutarem per omnes

101

par-

partes eius a IOHANNE MAVRICIO HOFMANNO, IOHANNE IACOBO BAIERO, LAVRENTIO HEISTERO, qui ei nunquam non singularem benevolentiam praestitit, et IOHANNE IACOBO IANTKIO, enucleate accepit. An. MDCCXIII, praeside b. D. IANTKIO, de *sudoribus nocturnis* disputauit; atque an. MDCCXV pro dignitate medica dissertationem de *chyloſi foetus*, additis obseruationibus anatomicis, habuit; quam, ob praestantiam suam, Celeberrimus Dominus de HALLER, quinto tomo selectarum disputationum anatomicarum inseruit; atque an. MDCCXVI suadente Patrono suo, D. HEISTERO, medicinae Doctor creatus est. Tum domi aegra corpora cum successu curare coepit. Sed an. MDCCXVII sua doctrina et prudentia uiuendi exoptatum socium itineris instituendi inuenit, quicum Norimberga per Heripolin, Francofurtum ad Moenum contendit; ubi ei amicitia cum D. EBERHARDO contracta occasione fecit rarissimas plantas peregrinas uidendi; et apud D. KISNERVM ingentem numerum rerum non uulgarium, quae terra effodiuntur, perlustrauit. Praeterea nihil cura et impensa collectum ibi fuit, quod non multum valente commendatione Illustris Domini de VFFENBACH ex sententia conspexerit. Hinc cum nouo socio itineris D. GRAMSIO, per Spiram, Argentoratum, Basileam, Tigurum, Geneuam et Lugdunum iter fecit; et inde per Cabillonum, Lutetiam Parisiorum. In qua uia Medicos praestantissimos, Virosque scientia rerum naturalium magnos, SALZMANNVM, HENNINGER VM, NENTERVM, FRIEDIVM, MIEGIVM, KISSLINGIVM, ZWINGERVM, KOENIGIVM, HARSCHERVM, SCHEVCHZERVM, et BOGDANIVM, obseruanter coluit, ab iisque humanissime exceptus, et spectaculo multarum rerum singularium honoratus est, atque hac opportunitate constantes amicitias cum iis iunxit. Parisiis XIII menses uixit, et ibi colligendis obseruationibus anatomicis, botanicis, et chemicis, ex frequentatis acroasibus, regio nosocomio et horto, technophylaciis, cellis rerum naturalium, et bibliothecis, quum sibi locus et res omni modo fauerent, singularem operam dedit. In nosocomio regio per nouem menses quotidie sectionibus corporum BOVCAVLTH interfuit, et ipse b. Consiliarius Caesareus ex uicino orphanotrophio cadauera infantium impetrauit, quae domi dissecurit. Praeter haec ex acroasibus WINSLOVII, et DVVERNEYI de eiusmodi rebus magnam utilitatem cepit, atque ex institutione peritissimorum artis chirurgicae Doctorum MERRYI, et TVBAVLTH scientiam suam uulnerum tractandorum et sanandorum ampliauit. Identidem uero ad studium suum adamatum, ad cognitionem plantarum, se retulit, de quibus ANTONIVS de IVSSIEV publice differuit, quasque ex horto regio, stirpibus et toto terrarum orbe collectis micante, desumisit. Neque eximiam herbarum collectionem SEBASTIANI VAILLANTII crebro uidere, et inde discere neglexit. Colligere tum coepit uiua sua herbaria ex horto regio, in quem ei liber aditus operai ANTONII de IVSSIEV patuit, et unde, quidquid herbarum lubebat, sibi.

impetravit. Sub duce vero BERNHARDO de IVSSIEV, fratre ANTONII,  
plantas soli Parisiensis anquisiuit. His studiis adiunxit ubiorem  
cognitionem chemiae, quam celebris D. GEOFROYIVS publice do-  
cuit. Quo vero ultra annum sumtum Lutetiae Parisiorum eo fa-  
cilius toleraret, in causa fuere Nobiles quidam Germani, et sigil-  
latim Silesii, qui opem eius medicam stipulati sunt. Diutius:  
quoque Parisiis commoratus fuisse, nisi eum inopinatus nuntius  
de morte patris ad abitum parandum commouisset. Sed et redi-  
tum non sine fortuna secunda instituit. Duo Patricii, Dominus  
EBNER de Eschenbach, Norimberga; et Dominus de LERSNER, Fran-  
cofurto ad Moenum, oriundus, eum comitem itineris in Bel-  
gium desiderabant, et Dominus EBNER de Eschenbach impensam  
societatis Trevvianaedabat. Abiere an. c. 1510 cc XVIII Lutetia Pari-  
siorum per Siluanectum, Compendium, Montem Hannoniae, et  
Bruxellas, Antwerpianam. Hinc nauem concenderunt, et magna  
tempestate defuncti sunt, ac per Dordracum, Roterdamum, Del-  
phos, Hagam Comitum, Lugdunum Batauorum, et Harleum,  
Amstelodamum peruererunt. Qua opportunitate Illustris  
TREVVIVS, bibliotecas, secretaria et collectiones virorum do-  
ctorum non sine usu atque admiratione uidit, et magnis illis Viris,  
BOERHAVIO, ALBINO, RAVIO, et RVYSCHIIS, patri et filio, innotuit.  
Visis etiam locis circumiectis domum cogitauit, quod Generosissimus  
Dominus de EBNER iter suum ulterius continuabat. Sed ho-  
spes quidam generosae uirtutis, Dominus WASTIVS, Gedanensis, qui  
Amstelodami amicitiam cum eo conglutinauerat, ei periuasit,  
ut se denuo Lugdunum Batauorum suo sumtu comitaretur.  
Facile ad id consensit, quum hoc pacto cumulum rerum anato-  
micarum RAVII; itemque herbarium uiuum, a D. LAVENTIO RAV-  
WOLFIO ante cc annos in Asia minore collectum, atque in biblio-  
theca publica Lugdunensi Bataua in hoc tempus bene conserua-  
tum attente considerare posset. Posthac eum Dominus WASTIVS  
eadem liberalitate Hamburgum, et tandem an. c. 1510 cc XVIII Ge-  
danum, duxit. Hic ultra annum honorifice habitus est, atque in  
primis ingentem apparatum rerum naturalium D. BREYNII, magni  
fecit; et humanitate eruditorum hominum, et fautorum quo-  
tundam ita captus est, ut hortante WASTIO suo, fortuna sedem Ge-  
dani fixurus fuisse, nisi eum amor patriae reuocasset. Ante au-  
tem quam Gedano discederet, an. MDCCXX cum amico suo adhuc  
in Prussiam abiit, et Monte Regio IIII hebdomades uersatus est.  
Quo facto a WASTIO liberali et munifico uiatico donatus abiit;  
ac per Francofurtum ad Oderam, Berolinum, Wittenbergam,  
Lipsiam, Halam, Lenam ac Erfurtum, Norimbergam, postquam  
tres annos peregre absfuerat, sospes ac saluus reuertit, atque in uia  
viris doctis, quibuscum collocutus est, opinionem doctrinae il-  
lius attulit, quam postea tam splendide confirmauit. Haud alienus  
tunc fuit a munere Academico Altorfii, discessu HEISTERI ua-  
cue-

cuefacto, capessendo; quod ei amici, qui eius praestantem eruditio-  
nem norant, suadebant. Sed diuinitus decretum erat, ut Vir  
Illustris non quidem tunc coram docendo, sed iam post mortem  
suam insigni liberalitate, et eruditis thesauris suis de Academia Al-  
torfina bene mereretur. Eodem anno, nimirum MDCCXX, quo re-  
dux factus est in conspicuum Collegium Medicum Norimber-  
gense cooptatus; et breui ob scientiam et felicitatem medendi  
in primis ab aegrotantibus expetitus est. An. MDCCXXXVI  
praestantia artis et doctrinae suae commendatus Aulae Branden-  
burgicae Onoldinae Archiatrus et Consiliarius appellatus est, et  
in hoc munere an. LI huius saeculi Serenissimum MARGGRA-  
VIVM; et an. LIII Serenissimum PRINCIPEM HEREDITA-  
RIVM; atque an. LIII Serenissimam PRINCIPEM huius Aulac-  
graui, et Serenissimae Domui huic saepe fatali, morbo uariola-  
rum eripuit. Paullo quoque ante beatum obitum suum ob-  
merita a Serenissimo MARGGRAVIO Brandenburgico Onol-  
dino Culmbacensi Consiliarius Sanctior clementi rescripto decla-  
ratus est. In maximis uero occupationibus suis doctrinae studia  
nunquam intermisit, sed iam an. MDCCXXX in partem commer-  
cii literarii physici technici medici, a D. SCHVLZIO, et D. GOETZIO  
instituti uenit, ac multas obseruationes, usu et nouitate praesta-  
biles, in id deriuauit, et deinceps ab anno MDCCXXXIIII usque ad  
annum MDCCXXXV toti operi praefuit, et id suis notatis amplifi-  
cauit. An. MDCCXXVII Imperiali Societati Naturae Curiosorum  
nomine HERACLIANI additus est; anno autem MDCCXXXXII in ea-  
dem locum Adiuncti, et tandem an. MDCCXXXXIIII iure merito-  
que Director huius celebris Societatis, et simul S. R. I. Nobilis,  
Comes Palatinus, ac Caesareus Consiliarius, et Archiatrus eu-  
sat. Effecit quoque insignis doctrina Illustris huius Viri, ut an.  
MDCCXXXXVI societatibus scientiarum Londinensi, ac Berolinensi; et  
an. MDCCCLIII botanicae Florentinae adscriberetur; eique praeterea  
et Altorfii, et in duabus aliis Academiis diuerso tempore mu-  
nus docendae artis salutaris offerretur. Sed antetulit his optioni-  
bus Norimbergam, ubi an. MDCCXXXXIII Senior Collegii Me-  
dici factus, in eoque aliquoties Decanus et Visitator pharmaco-  
poliorum electus est. Praeter tempus, quod munera et officia  
eius requirebant, aetate florente, multum tribuit corporibus  
dissecandis. Postquam autem mirabiles figurae animantium,  
et fabricam membrorum satis et ex asse perspectas et compre-  
hensas habuit: ea aetate, qua sedatores firmus, et dissolutionem  
nobis ipsis appropinquare sentimus, et negotia Viri Illustris ualde  
augebantur, suavitates odorum, qui efflantur a floribus, eorum-  
que miram uarietatem, naturam et usum unice consecutus est.  
Haec notatio naturae rerum, et animaduersio aegrotantium,  
itemque apparatus eius omnis generis doctrinae medicae Illustri  
TREVVIO eam peperit artem et scientiam, quam etiam scri-

C

pta

pta eius produnt; quae partim praestantissimas obseruationes de morbis, partim res anatomicas, partim botanicas, et partim rationes naturae et figurae animantium continent; atque orbi erudito satis nota et approbata sunt, ac posteritas quoque magni faciet. Haud quidem pauca sunt, quae edidit, et quae ipso, atque apparatu eius, adiuuante, et hortante, a Viris Doctis et artificibus publicata sunt; sed nihilominus multo plura scripturus fuisset Vir laboriosissimus; nisi tot curis aegrorum, amississimo commercio literarum, et crebra uisitatione eorum, qui eximum apparatus eius uidere gestiebant, adeo distractus fuisset; quum multis animi et corporis bonis et uiribus a Deo donatus esset. Corpore fuit firmo, et laboribus sufficienti, ac statura iusta. In senio tamen si staret, corpus in latus sinistrum paululum inclinabat. Vultu humano, et fronte serena, quae anxiu[m] aegrotantem facile recreabat. Animo innumerarum ueritatum cognitione in religione et pietate admodum confirmato. Mente optima et liberalissima. Quando domum carpento reuehebatur, eum fere quotidie pauperes in area domus et horti sui opperiebantur, quibus in angulis areae suae ita dedit, ut nemo eorum, qui forte adstabant, uidere, nec ipsa sinistra Viri Benigni seire, posset, quod promta dextra eius largiebatur. Maximam adhibuit assiduitatem cum in aegris uisitandis et curandis; ac omnia notabat, et aucupabatur, quae ad eorum salutem faciebant; tum in legendo, meditando et scribendo, ut corpori et animo uarietate rerum potissimum otium daret. Diligentiam eius mirifice adiuuabat insignis et tanto Medico digna temperantia; cuius adeo tenax fuit, ut, et si in aula uersaretur, a coena principali, quando nox et quies alios sopierat, adhuc libellos, quos apportauerat, in diaeta sua euolueret, et se his bellariis soporaret. Neque Vir hic Illustris is fuit, qui cupidiis, quae sibi crebro obuiae fuerè, ullo modo abusus sit. Valde quoque ei in industria sua profuit admirabilis eius praeter sermonem Graecum et Latinum, linguarum recentium, uti Anglice, Gallice, Italice, et Belgice, intelligentia. Sic felix fuit Illustris TREVVIVS corpore, animo, doctrina, uirtute, re familiari, honoribus, titulis et gloria; sed et coniugio felix fuit. Duxerat an MDCCXXIII Matronam memorabilis uirtutis, MARGARETAM APOLLONIAM, natalibus BOHNERIAM, cognati sui, IOHANNIS IACOBI TREVVII, florentis et conspicui aromatum mercatoris, uiduam. Quae quidem in sterili, sed fortunato et concordi connubio cum fido TREVVIO suo uixit. Haud coacta fuit duriorem aliquam mariti paupertatem sequi, sed nec luxum a Viro postulauit, ac frugalis cum frugali uixit, et donationem Academiac Altorfinae factam lubens et facilis probauit, et quae ei ex uoto b. Mariti adhuc desunt, munifice supplet. Gratulamur Matronae huic Nobili honorem tam

cam Illustris Coniugis, et cum uirtutum eius, tum officii et grati animi nostri caufsa, precamur, ut uiduitatem memoria fortunati et diuturni connubii lenius ferat! Felix tandem quoque fuit Illustris TREVVIVS morte sua. Haud sensit pius Senex ullos uel ultimi alicuius morbi, uel discidii animi et corporis dolores, sed post breue tempus soporiferum die xviii Iulii, mane ab hora vii, annum agens LXXV, mollissime ex uita discessit. Quemadmodum autem Academia Altorfina Illustrum TREVVIVM cum Norimberga, et orbe erudito, uehementer desiderat, atque eius uirtutem, doctrinam et gloriam, semper admirabitur: sic insignem bonitatem eius in se perpetuo uenerabitur.

---

P. P. D. XXIII AVGVSTI A. S. I. MDCCCLXVIIIL

---

## DESIGNATIO EORVM

QVAE

## ILLVSTRIS TREVVIVS

AVT IPSE EDIDIT AVT QVAE IPSO PARTICIPE  
VEL SVASORE AVT EX EIVS BIBLIOTHECA  
PVBLICATA SVNT.

*Dissertatio inauguralis de Chyloſi foetus, additis obſeruationibus anatomicis.*

Machrichten einer raren Hauptwunde, deren Cur und Section, Nürnberg, 1724, 4, mit Figuren.

Beschreibung der grossen Americanischen Aloe, Nürnberg. 1727, 4, mit Fig.

Vertheidigung der Anatomie in einer Rede, Nürnberg. 1729, 4.

*Epist. ad cel. Hallerum de uasis linguae salivariis atque sanguiferis, Norimb. 1734, cum tabulis aeneis.*

*Commercium literarium physicum technicum medicum, cuius editionem ab anno MDCCXXXIII curauit, et id multis obſeruationibus auxit.*

*In actis Academiae N. C. uariae eius obſeruationes leguntur.*

*Noua Acta N. C. ipse semper perlaſtrauit, et indices addidit.*

*Difſ. de differentiis quibusdam inter hominem natum et nascendum, 1736, 4, cum tabulis aeneis.*

*Opus, quod partes corporis humani secundum naturalem magnitudinem repreſentat, ab artificib⁹ EISENBERGERO, et LICHTENSTEGERO ſuceptum; ex XVII tabulis aeneis conſtant.*

*Herbarium Blackwellianum 500 herbarum officinalium anno 1765 abſolutum; cum uersione Latina et Germanica; Germanicam Excellentissimus Dominus D. IOHANNES FRIDERICVS HERELIVS confecit. Addita eſt centuriae primae explicatio Trewiana, ceteris autem aliorum Virorum doctorum.*

*Collectio peregrinarum et rararum auium ex collectionibus Catesbycis, et Edwardicis deſumta, et ex VI partibus conſtant; quarum pars I et II continent CII tabulas aeri incisas; pars III et IIII autem CXV; ac V et VI, CV. Tabulis Edwardicis figuræ peregrinarum herbarum ex penu Trewiana adiectae ſunt.*

*Piſcium Catesbycorum, ſerpentum etc. addit⁹ plantis, tabulae LXVIII.*

*Machi⁹*

*Machinarum et instrumentorum aeri incisorum  
tom. I.*

*Plantae selectae, quarum imagines ad exemplaria naturalia manu pinxit G. Dionis. Ehret, nominibus propriis et notis illustravit C. I. Trewius; in aës incidit, et uis coloribus repraesentauit I. I. Haidius. Dec. VII.*

*Imagines florum, Wirschingii sumtu publicatae,  
LXVI foliis.*

*Conradi Gesneri opera Botanica, quorum pars  
prima prodomi loco continet figuræ ultra  
CCCC etc. omnia ex bibliotheca D. Christi-  
stophori Iacobi Trew, primum in lucem edi-  
dit et praefatus est D. Casimirus Christ.  
Schmiedel, Norimb. 1753, fol. magno.*

*Cedrorum Libani historia, Norimb. 1757, 4,  
cum fig.*

*Apologia et mantissa obseruationis de Cedro  
Libani etc. Norimb. 1767, 4, cum fig.*

*Angenehmer und nützlicher Zeitvertreib mit  
Betrachtung curioser Vorstellungen aller-  
hand kriechender, fliegender und schwim-  
mender, auf dem Land und im Wasser  
sich befindender und nährender Thiere,  
sowol nach ihrer Gestalt und äußerlichen  
Beschaffenheit, als auch nach der accu-  
ratest davon versetzten Struktur ih-  
rer Sceleten oder Beinkörper, nebst einer  
deutlichen so physicalisch und anatomisch,  
besonders aber osteologisch und mechanischen  
Beschreibung vorgestellt, nach der Natur gezeichnet, gemälet, in Kupfer ge-  
stochen und verlegt von Joh. Dan. Meyer,  
Miniaturmaler in Nürnberg, Nürnberg.  
1748, fol. magno. b) Zweyter Theil,  
1752. c) Dritter Theil, 1756; cum  
multis tabulis aeneis. Sceleti in hoc*

*opere repraesentati partim ab ipso  
MEYERO confecti fuere, partim ex  
theatro anatomico Norimbergensi,  
partim, et quidem rarissimi, ex WI-  
LIAM CHESELDEN osteographia de-  
sumti sunt. Tertiae uero partis figu-  
rae potissimum ex SEBAE museo peti-  
tae sunt. Praefationem operi et de-  
scriptionem figurarum addidit D. HV-  
THIVS. Illustris uero TREWIVS aegre  
tulit, contra suum consilium in hoc  
opere figuræ rostrorum, mandibula-  
rum et dentium sceletorum haud ex-  
pressas esse.*

*Joh. Martyn historia plantarum variorum, ob  
praestantiam suam denuo edita studio et opera  
I. Dan. Meyeri, pictoris, Norimb. 1752,  
fol. magno. Exemplar libri sicut ex bi-  
blioteca Trewiana.*

*Pomologia, das ist, Beschreibungen und  
Abbildungen der besten Sorten der Apfel  
und Birnen, beschrieben, nach dem Leben  
abgebildet, und mit ihren natürlichen Far-  
ben erleuchtet von Joh. Hermann Knopp.  
Aus dem Holländischen in das Deutsche  
übersetzt von D. G. Leonh. Huch, Nürnberg.  
1760, fol. magno. Et hic liber ex bi-  
blioteca Trewiana petitus est.*

*Catalogus bibliothœae Medicae Philosophicae  
et miscellaneæ decursu L annorum in pri-  
uatum et publicum usum collectæ Academ-  
iae Norico-Altorfinae post sua fata ul-  
tima tradendæ D. Christ. Iac. Trew etc.  
Sect. I. Continens Acta, Diaria, Miscel-  
lanea, et Noua literaria Academiarum,  
societatum tum publicarum tum priuata-  
rum, itemque singulorum Virorum indu-  
striorum. Norimbergæ 1769, 8uo.*

